

Johann Mantzel

**Programma, Quo Ad Gloriosissimam Salvatoris Nostri Jesu Christi  
Resurrectionem Paschalesque Eiusdem Triumphos sanctissime  
devotissimeq[ue] celebrandum, Rector Academiae Rostochiensis M. Johannes  
Mantzel/ Gr. Lit. P. P. & Fac. Philos. hodie Decanus, Cives Academicos serio  
seduloq[ue] hortatur : [P. P. Sub Sigillo Rectoratus, prima Paschatos feria, seu  
pridie Calendas Aprilis A. O. R. MDCLXXIIX.]**

Rostochi[i]: Keilenbergius, [1678]

<http://purl.uni-rostock.de/rosdok/ppn73399024X>

Druck Freier  Zugang





T. 512.

1678. Oster.

~~M-1256. 27~~

PROGRAMMA, 1678.

QVO

AD

GLORIOSISSIMAM  
SALVATORIS NOSTRI

JESU CHRISTI  
RESURRECTIONEM,

PASCHALESQVE

EJUSDEM

TRIUMPHOS

sanctissimè devotissimèq;

celebrandum,

RECTOR

ACADEMIÆ ROSTOCHIENSIS

M. JOHANNES Sangel

Gr. Lit. P. P. & Fac. Philos. hodie

DECANUS,

Cives Academicos

seriò sedulòq; hortatur,

ROSTOCH, Typis FRIDERICI KEILENBERGII, Acad. Typogr



M. 1236-27

**Q**ui per proximas hebdomadas, quibus Ecclesia Catholica solennem acerbissimæ passionis & mortis dulcissimi JESU nostri memoriam debitâ reverentiâ recoluit, & qua par est, devotione, ad animum sibi revocavit, tristissimi sedimus, obstiposq; capite intuiti terram præ mœrore fuimus, nunc iterum gloriosô ejusdem Resurgentis triumphô adeò reficimur, uti præ gaudio gestientes, â jubilis nobis haudquaquam temperemus. O bonum, imò optimû: *Surrexit Christus hodie, nuncium! χαίρει πάντες*, verba sunt Cyrilli Hieros. Catech. XIV. ὅσοι πρότερον ἐπειθήσασι, τὰς Ἰουδαίων τὸλμας τε καὶ ὑβριστικὰς ἀκέσασαυτες· ὁ γὰρ ὑβριδὲς εἰς τὸ αὐτῶν ἐνταῦθα πάλιν ἠγέρθη· καὶ ὡσπερ ἡ κτῆ τὸν καιρὸν ἀκρόασις λυπηρὰ τις ἦν, ἔταως ὁ παῖς τῆς ἀναστάσεως εὐαγγελισμὸς ἐμφραίνεται τὴν παρόντας· τὸ πένθος εἰς εὐφροσύνην σραφῆτω, καὶ ὁ κοπιτὸς εἰς χαρὰν· καὶ πλησθῆτω χαρᾶς καὶ εὐφροσύνης τὸ σῶμα ὑμῶν, δια τὸν μετὰ τὴν ἀνάστασιν εἰπόντα, χαίρει· *Gaudete omnes, qui antea lugebatis, Judaeorum temeritates & iniquitates audientes: Qui enim contumeliâ ab illis fuerat affectus, hic nunc rursus excitatus est, & sicut de cruce auscultatio tristis erat, sic & Evangelium de resurrectione latificet presentes. Convertatur luctus in gaudium, & dolor in letitiam, & impleatur gaudio & letitiâ os vestrum, propter illum, qui post resurrectionem dixit: Gaudete. Consimili modò Augustinus, Magnus ille Hipponensium Episcopus, nos alloquitur: Surrexit, inquit, Christus, exultet universus mundus: par enim est, ut, sicut omnis creatura lugubri doluit ploratu in morte*

morte creatoris sui, & quæ funere noctis obscuro projecta est exequias in cruce morientis, nunc triumphalem ab inferis reditum resurgentis lata suscipiat. SALVE igitur, festa dies, toto venerabilis ævo, quæ DEUS infernum vicit, & astra tenet. Hac ipsa scilicet Servator noster exutos despoliatosq; Principatus ac Potestates ostentavit confidenter palam, triumphans de illis in semetipso, teste Paulo Col. 2, 15. Hac ipsa, scribente jam laudatô abs nobis l. c. Cyrillo: ὁ νεκρὸς, ὁ ἐν νεκροῖς ἐλευθερὸς, καὶ νεκρῶν ἐλευθερωτῆς ἰγήμεται. Mortuus ille, qui est inter mortuos liber, & mortuorum liberator, resuscitatus est. Hac ipsa, qui resurrexit, ipse cum tripudio Apoc. 1, 18. exclamat: Ego fui mortuus, & ecce sum vivens in secula seculorum, & habeo claves mortis & inferni. Hac ipsa nos, in angustiis nostris cum Johanne flentes, Seniorum quisquam Apoc. 5, 5. solatur: Ne flevieris: Ecce vicit Leo de tribu Juda, radix David, aperire librum, & solvere septem signacula ejus. Quid? quòd in hâc ceu triumphali & κατ' ἑξοχὴν Dominica die, Christianorum fides, eorundemq; resurrectionis spes quàm maximè fundetur. Non enim (refero jam aurea Augustini in Psal. 110. verba) laus fidei Christianorum est, quia credunt Christum mortuum, sed quia credunt, resurrexisse Christum: nam mortuum & pagani credunt, & hoc tibi pro crimine objiciunt, quia in mortuum credidisti. Quæ igitur laus tua? credere resurrexisse Christum, & sperare te resurrecturum esse per Christum. Scilicet hinc est, quòd Scriptura Sacra tam

ope-

opere hanc nostri Servatoris resurrectionem, veluti  
 rem revera maximam, inq; tam multis passim locis ad-  
 struat: per illam enim viderunt eum mulieres, tetige-  
 runt viri, palparunt increduli, ipse, qui revixit, pluri-  
 fariam se vivum professus est, atq; per ipsos XL. dies,  
 ut affectas suos in fide resurrectionis confirmaret, alla-  
 boravit unicè. Imprimis etiam *σκέυος* illud *ἐκλεκτὸν* Paulus,  
 hac ipsa *μεσίτη* nostri resurrectione, ut qui maxi-  
 mè, delectatur; ut enim ex plurimis paucula solum-  
 modò excerpamus, quàm plena gaudii fiduciaq; est  
 illa in ep. ab Rom. c. 8, 34. oratio: *quis condemnabit ele-*  
*ctos Dei? Christus est hic, qui mortuus est, imò, qui re-*  
*surrexit?* quàm ponderosa est illa 2. Tim. 2, 8. ad hor-  
 ratio: *Memoriã teneto Christum, qui resurrexit à mor-*  
*tuis?* imò totum prioris ad Corinth. caput quintum  
 decimum quàm nervosum est? Absit igitur, ut impru-  
 denter hinc Spiritui S. contradicamus, quin nobis  
 gratulemur, & uti Christianos decet, cum Discipulis  
 Luc. 24, 34. *Dominus reverà resurrexit,* plenò lætoq;  
 gutture exclamemus. Si enim post tot clarissima ver-  
 borum rerumq; testimonia, cum Hæreticis, resurre-  
 ctionē Christi negantibus, cumq; Cerintho, homine  
*ἀνοήτῳ καὶ ἀνοήτων διδασκάλῳ,* de quo Epiphanius hæresi 28.  
 scribit, quòd dixerit, *Χριστὸν πεπνυμέναι, καὶ ἐσωραμέναι, μήπω δὲ*  
*ἐξηγέρθαι, μέλλειν δὲ ἀνίστασθαι, ὅταν ἡ καὶ θόλις γένηται νεκρῶν ἀνάστασις.*  
*Christum passum quidem & crucifixum esse, nondum ta-*  
*men à mortuis resuscitatum, ac tum demum, cum omnes*  
*mortui resurrecturi sint, excitandum, adhuc dum face-*  
remus

remus, eo ipso certe nos ipsos Christo nomineq; Christo  
faceremus indignissimos, imò, mysterium mo-  
stræ ipsorummet resurrectionis nō credere nos, exin-  
de fieret quàm liquidissimum. Mortuorum siquidem  
resurrectio à Christi resurrectione ἀδαμαντίνος uniceq;  
dependet: nam ipse caput nostrum est, nos membra  
ejus sumus. Hinc Augustinus, præeunte Scripturâ, ita  
fatur: *Quia resurrexit caput vestrum, hoc sperate mem-  
bra, quod vidistis in capite. Proverbum est antiquum &  
verum: ubi caput, ibi & cetera membra.* Et Athanasius,  
lib. de hum. nat. sulc. *πρῶτον τὸ ἴδιον σῶμα ἤγειρεν ὁ κύριος ἐκ  
νεκρῶν, καὶ ὑψώσε· μετὰ ταῦτα ἐγείρει καὶ τὰ μέλη τῆ σῶματος αὐτοῦ,  
ἵνα χαρισθῆται αὐτοῖς τὰ πάντα ὡς θεός, ὅσα αὐτὸς ὡς ἄνθρωπος ἐλάβε.*  
*Primum proprium corpus suscitavit Dominus ex mortuis,  
& exalta vit: dehinc etiam membra corporis sui excitabit,  
uti donet iis omnia ut Deus, quæ ipse accepit ut homo.* Ter-  
tullianus item, lib. de resurrect. carnis: *Christus in exem-  
plum spei nostræ resurrexit.* Et quamlibet hujus nostri  
corporis resurrectio vel ex ipsa natura commodè  
quodammodo illustretur, prout etiam inter alios ab  
Augustino Serm. 34. de verb. Apost. factum est, quan-  
do, tota, inquit, hujus mundi administratio testimonium  
est resurrectionis futuræ. Videmus certè hiemis tempore vel  
adventu, arbores spoliari pomis, nudari foliis, sed eas etiam  
verno tempore speciem resurrectionis exprimere, quæ pri-  
mò quidem incipiunt turgere in gemmis, tunc ornari in flo-  
ribus, & vestiri foliis, & postmodum pomis gravari. In-  
terrogo te, infidelis homo, qui de resurrectione dubitas,  
ubi



ubi sunt ista, quæ tempore, quo Deus disposuit, producuntur? dic mihi, ubi latitant, antequam producuntur? quæ nusquam quidem videntur, sed tamen Deus, qui omnipotens est, & ea ex nihilo condidit, secretâ suâ virtute producit. Hinc jam ad campos & prata respicite, quæ astate transactâ herbis suis spoliantur ac floribus, & nuda remanent ipsa spatia terrarum: sed iterum verno tempore reveſtiuntur, & novo ubiq; germine incipiente, latatur agricola. Certè herba, quæ antè vixit & moritur, rursus reviviscit ex semine: sic etiam nostrum corpus reviviscet ex pulvere. Resurgentis tamen Christi resurrectio resurrectionis nostræ unicum semper fundamentum atq; principium est. Christus resurrexit à mortuis, primitiæ dormientium, quoniam per (unum) hominem mors, & per hominem resurrectio mortuorū: Et sicut in Adamo omnes moriuntur, ita in Christo omnes vivificabuntur, verba sunt expressissima 1. Cor. 15, 20. 21. 22. Vivemus igitur, eo quòd, qui Joh. 14, 19. Vivo ego, & vos vivetis, exclamat, vivat. Hic mortem nostram morte suâ morti dedit, ut vel cum Paulo ex 1. Cor. 15, 54. 55. 56. 57. Absorpta est mors in victoria. Ubi est, mors, victoria tua? ubi est mors tuus stimulus? stimulus autè mortis peccatū est, virtus verò peccati, lex. Deo autem gratias, qui dedit nobis victoriâ, per Dominū nostrum Jesum Christum; Vel cum Hieronymo ex Epist. 3. O mors, quæ Christi morte mortua es, illius morte nos vivimus: devorasti & devorata es: dumq; assumti corporis Christi sollicitaris illecebrâ, & avidis faucibus prædam invadis, interiora tua adunco dente

confossa sunt. Gratias tibi tua agimus creatura, Christe  
Salvator, quòd tam potentem adversarium nostrum, dum  
occideris, occidisti: Quid autem miserius homine, qui ater-  
nae mortis horrore prostratus, vivendi sensum ad hoc tan-  
tum acceperat ut periret? gloriari nunc liceat. Hæc  
sunt paschalia nostra gaudia! Hi sunt nostri, post tan-  
tam victoriam triumphi! ô utinam ζῶντι καὶ ζῶσιν οἱ ἐντι no-  
stro triumphatori Jesu pro tantis beneficiis obseq̄viosi  
semper & dicto audientes viverem⁹. Utinam uti sem-  
per, ita potissimum diebus hisce paschalib⁹, tales vive-  
remus! Habet hoc festum nomē suum à transitu, cum  
Israëlitæ festinò pede citra Perditoris Angeli infelicio-  
rem tactum ex Ægypto exiverint, & nos ex ipsis infer-  
ni faucibus virtute Resurgentis Jehovæ illæsi emerse-  
rimus; transeamus ergò vitiorum illecebras, mittam⁹,  
quæ Servatorem nostrum sepeliverunt, quæq; Serva-  
tor ipse sepelivit, ἀμαρτήματα, atq; maculati agni sanguine  
cordis nostri postes tingentes, Deo nostro quantum pos-  
sumus serviam⁹. Cur peccata, ob quæ Christus mortuus  
est, refricarem⁹? certè omnium mortalium omnia,  
maxima, medioxima, minima, nota, occulta, sursum  
deorsum, horsum illorsum exprobrantia, in unum co-  
acta constipataq; , ut ne unum quidem exciderit, se-  
pulchro suo intulit: In æterna ibi nocte maneat: quid  
nobis Deo viventibus cum infrugiferis tenebrarum,  
operibus? Quid Christiano homini cum diabolico vi-  
tio, superbiâ, caninò, lasciviâ, suillò, immunditie, ser-  
pentinò, invidiâ &c. esset commercii? cur crapula &  
brietas

ebrieras, cum illa omnium flagitiorum quasi metropo-  
lis, blandus Dæmon, dulcèq; venenum sit, quam qui  
habet, dicente præclare Augustinò, se ipsum non habet,  
quam qui facit, peccatum non facit, sed ipse totus peccatum  
est, nos fascinaret? Qui mortui sumus peccato, quomodo  
adhuc vivamus in eo? Consepulti sumus Christo per ba-  
ptismum in mortem, ut sicuti resuscitatus est Christus ex  
mortuis per gloriam Patris, ita & nos in novitate vitæ am-  
bulemus Rom. 6, 2, 4. Expurgemus vetus fermentum, ut  
simus nova massa, sicuti sumus infermentati. Pascha  
pro nobis immolatum Christus est, celebremus ergo festum  
non in fermento veteri, neq; in fermento malitiæ & versu-  
tiae, sed in panibus azymis, sinceritatis & veritatis, i. Cor.  
5, 7, 8. Ast cum hæc & id genus alia per proximè in-  
stans triduum à Verbi Divini Ministris proponi incul-  
cariq; siveverint, ad eosdè sedulò attentèq; audiēdos,  
omnes & singulos æternæ salutis cupidos, in primis au-  
tem eos, qui sub Musarum hinc vivunt patrocinio, me-  
ritò remittimus, eosq; ut in summò Dei timore, verà-  
q; pietate ac debitâ modestiâ triumphale hocce festū  
concelebrent, grates etiam, quas mente concipere  
possunt, maximas, Deo pro collatis beneficiis persol-  
vant, & junctis precibus apud Deum, ut lucem &  
flamman Evangelii in cordibus suis clementer accē-  
ndat, seq; Spiritus S. radiis gratioli illustret, seriò  
admonemus.


*P. P. Sub Sigillo RECTORATUS, primâ Paschatos feriâ,  
seu pridie Calendas Aprilis A. O. R. MDCC LXXIIX.*







confossa sunt. Gratias tibi tua agimus e  
Salvator, quòd tam potentem adversarium  
occideris, occidisti: Quid autem miserius  
na mortis horrore prostratus, vivendi se  
tum acceperat ut periret? gloriari nun  
sunt paschalia nostra gaudia! Hi sunt n  
tam victoriam triumphi! ò utinam ζών  
stro triumphatori Jesu pro tantis benef  
semper & dicto audientes viverem⁹,  
per, ita potissimum diebus hisce pascha  
remus! Habet hoc festum nomē suum  
Israëlitæ festinò pede citra Perditoris A  
rem tactum ex Ægypto exiverint, & no  
ni faucibus virtute Resurgentis Jehova  
rimus, transeamus ergò vitiorum illece  
qvæ Servatorem nostrum sepeliverun  
tor ipse sepelivit, ἀμαρτήματα, atq; ma  
cordis nostri postes tingentes, Deo nos  
sumus serviam⁹. Cur peccata, ob qvæ C  
est, refricaremus? certè omnium mo  
maxima, medioxuma, minima, nota, e  
deorsum, horsum illorsum exprobrant  
acta constipataq; , ut ne unum qviden  
pulchro suo intulit: In æterna ibi nocte  
nobis Deo viventibus cum infrugiferi  
operibus? Quid Christiano homini cur  
tio, superbiâ, caninò, lasciviâ, suillò, in  
pentinò, invidiâ &c. esset commercii?



briste  
dum  
ater-  
tan-  
Hæc  
tan-  
no-  
viosi  
sem-  
vive-  
cūm  
licio-  
afer-  
erfe-  
am⁹,  
erva-  
vine  
pos-  
ortu⁹  
ania,  
rfum  
n co-  
t, se-  
quid  
um,  
o vi-  
ser-  
la &  
vrietas